

## ع العموم !!..

ع العموم ما تشيلش همي

خلى بالك بس منك

يا ابن ابويا وابن امي

اوعى يوم الغربة تاكلك

مهما تاخذك السنين

والطريق تلاقيه دموع

ادعى زيي وقول امين

يبقى فيه بنا رجوع



مهما غيبت عنى سايب

جوة منى ذكريات

الف حاجة باعيش عليها

دنيا ايه من غير حبايب

عمري كله واللى فات

انت كنت معايا فيها



شد حيك فى الغياب

خلى صورتى قصاد عينيك

لو ف يوم اترد باب

الف غيره بيناديك

يا سنين حلمك عليه

ابو قلب برئ حنين

دا منى وروحي فيه

حبي ليه دا مكانش هين ..؟؟

